

ESTATUTOS DA FEDERACIÓN GALEGA DE TENIS

TITULO I.- DISPOSICIÓN XERAIS

- art.1º.-Definición e obxecto
- art.2º.-Réxime xurídico
- art.3º.-Funcións e competencias
- art.4º.-Ámbito territorial
- art.5º.-Domicilio

TITULO II.- ESTRUCTURA PARTICIPATIVA

- art.6º.-Estamentos
- art.7º.-Composición dos estamentos
- art 8º -As licencias
- art.9º.-Dereitos e deberes básicos dos membros da FGT

TITULO III. ESTRUCTURA ORGÁNICA XERAL

CAPITULO I.- DEFINICIÓN, FUNCIONES E RÉXIME DOS ÓRGANOS DA FGT

- art.10º.-Órganos da FGT
- art.11º.-Disposición comúns ós órganos colexiados.
- art.12º.-Incompatibilidades
- art.13º.-Sistema de responsabilidade dos órganos da FGT
- art.14º.-A asemblea xeral da FGT composición
- art.15º.-A asemblea xeral da FGT funcións
- art.16º.-A asemblea xeral da FGT réxime
- art.17º.-A comisión delegada da asemblea xeral. composición.
- art.18º.-A comisión delegada da asemblea xeral. funcións.
- art19º.-Réxime de funcionamento da comisión delegada da asemblea xeral.
- art.20º.-O presidente da FGT réxime e funcións
- art.21º.-Elección do presidente da fgt
- art.22º.-Cesamento do presidente da fgt moción de censura.
- art.23º.-A xunta directiva
- art.24º.-Os comités
- art.25º.-O secretario
- art.26º.-O tesoureiro

TÍTULO IV.- RÉXIME ECONÓMICO

- art.27º.Orzamento.
- art.28º.Xestión económica.
- art.29º.Memoria económica.
- art.30º.Control contable.
- art. 31º.Publicidade.
- art.32º.Ingresos da FGT.

TÍTULO V.- RÉXIME DOCUMENTAL

- art.33º.- Disposición única

TÍTULO VI.- RÉXIME DISCIPLINARIO

CAPITULO I. DOS PRINCIPIOS XERAIS DO RÉXIME DISCIPLINARIOS DA FGT.

- art.34º.- Normativa aplicable
- art.35º.- Ámbito obxectivo de aplicación
- art.36º.- Ámbito subxectivo de aplicación
- art.37º.- Ámbito territorial de aplicación
- art.38º.- Principio de retroactividade favorable
- art.39º.- Principio de garantía procesual

CAPITULO II. - DOS ÓRGANOS DISCIPLINARIOS DA FGT.

- art.40º.- Órganos disciplinarios.
- art.41º.- Régimen disciplinario.
- art.42º.- Comité de competición y disciplina deportiva.
- art.43º.- Comité de apelación.

TÍTULO VII - PROCEDEMENTOS DE ELECCIÓN DA ASEMBLEA XERAL, DO PRESIDENTE E DA COMISIÓN DELEGADA.

- art-44º.Reglamento electoral.
- art.45º.- Causas de extinción e disolución. disposición única

TÍTULO VIII.- PROCEDEMENTO PARA A APROBACIÓN E REFORMA DE ESTATUTOS E REGULAMENTOS.

- art. 46.- Disposición única

TÍTULO IX.- FÓRMULAS DE CONCILIACIÓN EXTRAJUDICIAL

- art.47- Disposición única

DISPOSICIÓN ADICIONAL

DISPOSICIÓN TRANSITORIAS

DISPOSICIÓN FINAIS

Título I.- DISPOSICIONES XERAIS.

Artigo 1. Definición e obxecto.

A Federación Galega de Tenis (en adiante FGT) é una entidade privada, sen ánimo de lucro, con personalidade xurídica propia e plena capacidade de obrar, cuxo ámbito de actuación se estende ó territorio da Comunidade Autónoma de Galicia, que ten por obxectivo promover, practicar e, en xeral, contribuír ó desenvolvemento do deporte do tenis, no que se inclúe expresamente o tenis adaptado en tódalas súas modalidades e o tenis-praia. Está integrada polos clubs deportivos, seccións deportivas, deportistas, técnicos-adestradores, xuíces-árbitros da devandita modalidade deportiva así como por outros colectivos interesados especificados no artigo 6.

Artigo 2. Réxime xurídico.

A FGT ten personalidade xurídica, plena capacidade de obrar, e un patrimonio propio e independente daquel dos seus asociados, e réxese polo disposto na Lei 3/2012 do 2 de Abril, do deporte de Galicia; polas demais disposicións legais que lle sexan aplicables, e polo establecido nos presentes Estatutos e nos seus Regulamentos.

A FGT é unha entidade de utilidade pública, cos beneficios que o ordenamento xurídico outorga para este tipo de entidades.

Artigo 3. Funcións e competencias.

Son funcións da FGT as que derivan do seu propio obxecto, tal e como ven definido no artigo 1. dos presentes estatutos. A FGT exercerá as súas funcións públicas delegadas de forma directa, sen que poidan ser obxecto de delegación o exercicio por ningunha substitución, sin autorización da administración deportiva.

Ademáis das funcións propias do seu ámbito de actuación privada, exerce, en virtude da lei 3/2012, do 2 de abril, do deporte de Galicia, as funcións delegadas que se recollen no artigo 56.4 da mesma, actuando neste caso como axente colaborador da Administración baixo a súa tutela e coordinación.

A FGT exerce de forma específica as seguintes funcións:

- a) Promoción e desenvolvemento da práctica do tenis.
- b) Elabora-las normas técnicas da modalidade deportiva do tenis e dirixir e regula-las actividades propias desta.
- c) Dictar normas de aplicación específica ós deportistas, podendo establecer listas e clasificacións destes.
- d) A potestade para determina-la súa propia organización interna e para dictar regulamentos no ámbito da súa competencia, conforme ós seus estatutos e disposicións legais vixentes.
- e) Desenvolver programas de especialización do deporte do tenis.
- f) Deseñar, elaborar e executa-los plans de preparación dos tenistas de alto nivel e as listas destes en colaboración coa Administración deportiva de Galicia e, se é o caso, coa Real Federación Española de Tenis (RFET).
- g) Colaborar coa Administración autonómica e cooperar coa RFET, se é o caso, na formación de técnicos deportivos.
- h) Organizar e dirixi-las competicións tenísticas de carácter oficial que se desenvolvan no ámbito da Comunidade Autónoma, de acordo coas normas e cos regulamentos autonómicos, nacionais e internacionais que sexan aplicables. Expedirá, para estes efectos, as correspondentes licencias deportivas.
- i) A tutela, control e supervisión que sobre os seus propios asociados lle recoñece o ordenamento xurídico deportivo.

- j) Exercer a potestade disciplinaria nos termos establecidos na lexislación vixente, así como nos seus propios estatutos e regulamentos.
- k) Resolver en vía de recurso as impugnacións contra os acordos dos órganos dos clubs de tenis adscritos á FGT.
- l) Exercer o control das subvencións oficiais que se lles asignen ós clubs de tenis a ela afiliados.
- m) Designar os tenistas que integrarán a selección galega, para a cal os clubs deberán poñer a disposición da FGT os deportistas elixidos.
- n) Representar a Galicia en actividades e competicións tenísticas de carácter estatal ou supraestatal, celebradas dentro e fora de Galicia, organizando a selección galega de tenis.
- o) Colaborar coa Administración deportiva de Galicia, os entes locais e as agrupacións deportivas escolares na organización e no desenvolvemento dos programas xerais do deporte do tenis na idade escolar.
- p) Executa-las resolucións do Comité Galego de Xustiza Deportiva.
- q) Colaborar coa Administración deportiva de Galicia e outros órganos competentes da Administración autonómica na prevención, no control e na represión do uso de substancias e grupos farmacolóxicos prohibidos no deporte e na prevención e no control da violencia no deporte.
- r) Poderá, ademáis das súas propias atribucións, executar por delegación da Administración autonómica programas de promoción do tenis.
- s) Aqueloutras funcións que poida encomendarlle a Administración deportiva da Comunidade Autónoma.

Artigo 4. Ámbito territorial.

A FGT é a única Federación Galega existente para a modalidade deportiva do tenis, e polo tanto, exerce as súas competencias con carácter exclusivo no conxunto do territorio galego.

A FGT poderá establecer unha estrutura territorial propia, axustada á organización territorial da Comunidade Autónoma Galega cando con iso se poida conseguir unha mellor forma de cumprimento dos seus fins.

Cando as circunstancias económicas, administrativas, deportivas ou de organización así o requiran, poderanse constituir ou suprimir Delegacións, adecuándose en todo caso á estrutura territorial da Comunidade Autónoma, e sendo comunicada a decisión ao Organismo da Xunta con competencias no ámbito deportivo.

As Delegacións axustaranse ás normas ditadas pola FGT a través dos órganos competentes, e directamente do seu Presidente, non ostentando personallidade xurídica propia diferenciada da FGT. Os titulares das Delegacións seran nomeados e cesados polo Presidente da FGT.

As competicións ou actividades da FGT entenderase autorizadas pola Administración autonómica, conforme ó establecido nos artigos 19 e ss da Lei 3/2012 do 2 de Abril do Deporte de Galicia.

Terán o carácter de oficiais, aquelas competicións de tenis organizadas pola FGT no ámbito autonómico, agás denegación expresa da Administración deportiva de Galicia, que deberá ser motivada.

A FGT forma parte da Real Federación Española de Tenis, quen pola súa banda está integrada na ITF (Federación Internacional de Tenis) e na ETA. (Asociación Europea de Tenis), polo que acata e acepta as normativas e regulamentos destas institucións.

Artigo 5. Domicilio.

A FGT ten o seu domicilio en Vigo c/ Fotógrafo Luis Ksado, nº17, baixo, Oficina 1

A decisión do cambio do domicilio a outra localidade da Comunidade Autónoma de Galicia corresponderá á Xunta Directiva, debendo informar á primeira Asamblea Xeral que se celebre con posterioridade á efectividade de dito traslado.

A Xunta Directiva poderá acordar o establecemento , modificación e supresión de cantas outras oficinas, representacións, locais, delegacións ou instalacións sean necesarias dando conta das actuacións realizadas a seguinte Asamblea Xeral.

Título II.- ESTRUCTURA PARTICIPATIVA.

Artigo 6. Estamentos.

A FGT está integrada polos seguintes estamentos:

1. Deportistas
2. Clubs Deportivos e Seccións Deportivas
3. Técnicos-Adestradores
4. Xuíces-Árbitros

Artigo 7. Composición dos estamentos.

Pertencen ó ESTAMENTO DE DEPORTISTAS da FGT todas aquelas persoas físicas que no ámbito da Comunidade Autónoma de Galicia posúan a correspondente licenzia deportiva, emitida e homologada pola FGT e Real Federación Española de Tenis respectivamente, e estean ó corrente no seu pagamento.

Pertencen ó ESTAMENTO DE CLUBS DEPORTIVOS E SECCIÓNS DEPORTIVAS da FGT aqueles clubs ou seccións deportivas constituídas e rexistradas conforme á lexislación vixente e que estean integrados nela, debendo estalo tamén, se é o caso, na correspondente federación de ámbito estatal. Deberán estar ó corrente de pagamento das súas obrigacións federativas.

Estarán integradas neste estamento as seccións deportivas cuxo obxeto sea o deporte do tenis, constituídas conforme ó disposto na lei 3/2012 do Deporte de Galicia, inscritas no Rexistro de Entidades Deportivas de Galicia e adscritas a FGT cumprindo con todos os requisitos legais e estatutarios requeridos.

Os representantes das seccións deportivas que designen as entidades que creen as seccións poderán participar nas asembleas xerais da FGT cos mesmos dereitos e coas mesmas obrigas que os representantes dos clubs.

Pertencen ó ESTAMENTO DE TÉCNICOS-ADESTRADORES da FGT, aquelas persoas físicas tituladas como tales pola RFET ou calquera órgano oficialmente recoñecido, conforme ás fórmulas que se establezan en cada momento, e que posúan a licenzia correspondente, e estean ó corrente de pagamento desta.

Pertencen ó ESTAMENTO DE XUÍCES-ÁRBITROS da FGT aquelas persoas físicas tituladas como tales pola RFET ou calquera outro órgano oficialmente recoñecido, conforme ás fórmulas que se establezan en cada momento e que posúan a licenzia correspondente, e estean ó corrente de pagamento desta.

Artigo 8. As licenzias.

Para participar nas competicións oficiais de tenis de ámbito autonómico e estatal, será preciso posuír a correspondente licenzia federativa en vigor expedida pola FGT e homologada pola RFET.

A FGT integrada na RFET poderá expedir-las súas propias licenzias, conforme ás súas respectivas normas, quedando obrigada a presentalas na RFET para a súa homologación por ésta, na forma e condicións que se estableceron entrambas a través do respectivo Convenio, en aplicación do disposto ó respecto no artigo 7.2 do Real Decreto 1835/1991 do 20 de Decembro.

A FGT determinará o importe exixible para obter a licenzia, que será fixado e aprobado pola Asemblea Xeral, así como o procedemento para a tramitación e a expedición da mesma.

A expedición e renovación das licencias efectuaranse no prazo dun mes dende a súa solicitude. No caso de producirse a denegación, esta deberá ser motivada polo órgano competente da FGT.

A licenza federativa deberá expresar cando menos:

- a) Os datos da persoa física ou entidade federada
- b) Os dereitos federativos.
- c) seguro obrigatorio de asistencia sanitaria cando se trate de persoas físicas.
- d) período de vixencia

As causas de perda da licenza federativa serán:

- a) Por vontade expresa do federado
- b) Por sanción disciplinaria
- c) Por falta de pago das cotas establecidas, previa advertencia ó federado, notificado de forma fehaciente, e concedéndolle un prazo de 10 días para a liquidación do débito.
- d) Por incumprimento de calquera outra causa das establecidas como obrigas do federado.

Os datos de carácter persoal contidos nas licencias federativas serán comunicados nos termos previstos no artigo 58.5 da lei 3/2012, do 2 de abril, do Deporte de Galicia, en relación, exclusivamente, á elaboración do censo dos correspondentes procesos electorais, respetando en todo caso, o procedemento que ó respecto se determine reglamentariamente.

Artigo 9. Dereitos e deberes básicos dos membros da FGT.

Son dereitos básicos dos compoñentes dos estamentos integrados na FGT os seguintes:

- a) Participar como electores e elixibles ós órganos de representación e goberno da F.G.T. dentro das condicións establecidas nos presentes estatutos.
- b) Expresar libremente as súas opinións no seo da FGT, con suxección á lexislación vixente.
- c) Participar nas competicións oficiais de tenis, conforme ó disposto nos presentes estatutos e nos correspondentes regulamentos.
- d) Figurar nas clasificacións oficiais editadas pola RFET, sempre que reúnan os requisitos deportivos necesarios para iso.
- e) Os demais dereitos derivados da lei e dos presentes estatutos.

Son deberes básicos dos ditos compoñentes os seguintes:

- a) Cumprir e facer cumprí-las disposicións legais, os presentes estatutos e demais regulamentacións da FGT e as normas propias polas que se rexan.
- b) Someterse á autoridade dos organismos federativos dos que dependan, e, no caso de entidades e clubs deportivos, cede-las súas instalacións cando sexan necesarias para celebrar actos ou competicións organizados por aqueles e sempre que o permitan as súas propias actividades.
- c) Contribuír ós orzamentos da FGT pagando cuotas e outras obrigacións pecuniarias aprobadas pola Asemblea Xeral, así como as multas nas que puidesen incurrir por sanción federativa. A Xunta Directiva da FGT poderá acordar dar de baixa nesta a aquelas persoas ou entidades que incumpran as obrigacións previstas neste parágrafo, o que se comunicará, para o seu referendo, á Asemblea Xeral na primeira reunión que esta celebre con posterioridade ó acordo da Xunta Directiva.

- d) Non quebranta-la disciplina federativa en ningún dos seus ámbitos nin crear directa ou indirectamente situacións que poidan derivar en agravio ou molestia, e neutralizar polos medios máis eficaces as que eventualmente xurdan.
- e) Contestar puntualmente as comunicacións dos órganos superiores, facilitando a estes cantos datos e informes soliciten.
- f) En canto ós clubs e entidades deportivas, esixir, e tramita-la obtención de licencia de xogador para tódolos socios que practiquen tenis.
- g) Calquera outra fixada polas disposicións legais, estatutos e regulamentos.

Sen prexuízo do previsto no anterior apartado c), e do que se dispoña en materia disciplinaria deportiva, as persoas ou entidades integradas na FGT que incumpran o previsto nos presentes estatutos ou incorran en causas graves e obxectivas para iso, poderán ser dadas de baixa naquela por acordo da Asemblea Xeral, adoptado por maioría simple dos seus asistentes, sempre previa a instrución dun expediente disciplinario, no que se dará audiencia ó interesado e que se axustará, no que cumpra, ás normas xerais administrativas nesta materia.

Título III. ESTRUCTURA ORGÁNICA XERAL.

CAPITULO I. - DEFINICIÓN, FUNCIONS E RÉXIME DOS ÓRGANOS DA FGT

Artigo 10. Órganos da FGT.

Son os seguintes:

- A Asemblea Xeral.
- A Comisión Delegada da Asemblea Xeral.
- Presidente.
- A Xunta Directiva
- Os Comités.
- Secretario.

Son órganos colexiados a Asemblea Xeral, a Comisión Delegada da Asemblea Xeral, a Xunta Directiva e os Comités. Son órganos individuais os restantes.

O Presidente da FGT e os compoñentes da Asemblea Xeral e da Comisión Delegada desta serán elixidos conforme ó que na parte correspondente destes estatutos. Os demais órganos serán de libre directa designación e revocación do Presidente.

Artigo 11. Disposicións comúns dos órganos colexiados.

A convocatoria dos órganos federativos colexiados corresponderalle ó seu Presidente e o Secretario levantará a correspondente acta dos acordos, especificando o nome das persoas que interviñesen e as demais circunstancias que se consideren convenientes, así como o resultado da votación e, se é o caso, os votos particulares contrarios ó acordo adoptado.

Os votos contrarios ó acordo adoptado ou ás abstencións motivadas eximirán das responsabilidades que eventualmente se puidesen derivar dos acordos dos órganos colexiados.

Quedará válidamente constituído o órgano colexiado aínda que non se cumprisen os requisitos de convocatoria se concorren tódolos seus membros e así o acordan por unanimidade, ou se con posterioridade manifiestan a súa adhesión incondicional ós acordos tomados a totalidade dos que non asistiron.

Impugnación dos acordos dos órganos colexiados:

- a) Os acordos e actuacións dos órganos da FGT poderán ser impugnados por calquera federado ou persoa que acredite un interese lexítimo, se os estimase contrarios ó ordeamento xurídico, polos trámites do xuízo que corresponda.
- b) Os federados poderán impugnar os acordos e actuacións da FGT que estimen contrarios ós Estatutos dentro do prazo de corenta días, a partir da data de adopción dos mesmos, instanto a súa rectificación ou anulación e a suspensión preventiva no seu caso, ou acumulando ambas pretensións polos trámites establecidos na Lei de Enxuízamento Civil.
- c) A orde xurisdiccional contencioso-administrativa será competente en tódalas cuestións que se susciten nos procedementos administrativos instruídos en aplicación da Lei Orgánica 1/2002, de 22 de marzo, reguladora do Dereito de Asociación, de conformidade coas regras establecidas na Lei Orgánica do Poder Xudicial e na Lei reguladora da Xurisdicción Contencioso-Administrativa.

Artigo 12. Incompatibilidades.

Son causas de inelixibilidade para o desempeño dos cargos de membro da Asemblea Xeral, da Comisión Delegada da Asemblea, de Presidente, e de membro da Xunta Directiva da

FGT as seguintes:

- a) Ter sido condenado mediante sentenza xudicial firme que leve anexa a pena principal ou accesoria de inhabilitación absoluta ou especial para cargo público.
- b) Ter sido declarado incapaz por decisión xudicial firme.
- c) Atoparse inhabilitado para o exercicio de cargos federativos por sanción firme.

O Presidente da FGT deberá ser cidadán de Galicia, segundo o disposto no Estatuto de Autonomía. O cargo de Presidente da FGT é incompatible cos cargos de presidente doutra federación, de presidente ou directivo dun club de tenis e con calquera actividade directiva ou de representación dentro da propia estrutura da FGT

Cando sobreveña unha causa de incompatibilidade inicialmente non existente, a persoa afectada deberá cesar automaticamente no cargo que ocupe.

Artigo 13. Sistema de responsabilidade dos órganos de representación da FGT.

Polas responsabilidades federativas nas que poidan incorrer no desempeño das súas funcións, os membros da Asemblea Xeral e da súa Comisión Delegada, así coma o Presidente da FGT, responderán perante a propia Asemblea Xeral. Os restantes órganos responderán ante o Presidente da FGT. Todo isto sen prexuízo das demais accións legais e xudiciais de calquera tipo que poidan derivar das conductas individuais ou colectivas dos órganos da FGT. Para estes efectos, o Presidente da FGT estará facultado, no nome desta, para interpoñer e seguir tales accións.

Asimesmo o Presidente e os membros dos órganos de representación da FGT establecidos estatutariamente serán persoalmente responsables, fronte á propia federación, fronte aos seus membros ou fronte a terceiros:

- a) Das obrigas que contraese a Federación e que non teñan, ou tivesen, o adecuado apoio contable, non figuren nas contas presentadas e aprobadas, ou sexan obxecto dunha contabilización que non reflecta a natureza e o alcance da obriga en cuestión, e que distorsione a imaxe fiel que debe producir aquela.
- b) Das obrigas que contraese contra a prohibición expresa doutros órganos federativos competentes ou da Administración autonómica, así como das obrigas que impliquen un déficit non autorizado ou fóra dos límites da autorización.
- c) En xeral, dos actos ou das omisións que supoñan un prexuízo para a Federación cando sexan realizados vulnerando normas de obrigado cumprimento.

A responsabilidade descrita no apartado anterior poderase esixir no caso de existencia de dolo ou culpa na actuación dos suxeitos responsables. En todo caso, quedarán exentos de responsabilidade aqueles que votasen en contra do acordo ou non interviñesen na súa adopción ou execución, ou aqueles que o descoñecesen ou, coñecéndoo, se opuxesen expresamente a aquel.

A responsabilidade regulada neste artigo é independente da responsabilidade disciplinaria na que se puidese incorrer, e que se esixirá consonte as disposicións xerais.

Artigo 14. A Asemblea Xeral da FGT. Composición.

A Asemblea Xeral é o órgano superior da FGT e estará integrada por un número máximo de 50 membros.

A convocatoria de eleccións deberá indicar expresamente o número de membros da Asemblea Xeral en cada un dos seus estamentos.

Os membros da Asamblea serán elixidos, conforme ó disposto na parte correspondente destes estatutos, cada catro anos, coincidindo cos Xogos Olímpicos de Inverno, por sufraxio libre, secreto, igual e directo, por e entre os integrantes maiores de idade de cada estamento.

As eleccións á Asamblea Xeral a serán acordadas por esta, que aprobará a convocatoria con todos os Requisitos que se establezcan no Regulamento electoral que a tal efecto se aprobe.

A Asamblea Xeral estará constituída polo Presidente Da Federación Galega e por representantes dos clubs deportivos, deportistas, técnicos-adestradores e xuíces-árbitros.

Representantes do estamento de clubs deportivos.

TOTAL..... 32 membros 64 %

Representantes do estamento de deportistas

TOTAL..... 12 membros 24 %

Representantes do estamento de técnicos-adestradores.

TOTAL..... 3 membros 6%

Representantes do estamento de xuíces-árbitros

TOTAL..... 3 membros 6%

Os Clubs Deportivos no poderán ser membros da Asamblea Xeral se no momento da convocatoria de eleccións non figuran inscritos no Rexistro de Entidades Deportivas da Xunta de Galicia.

Os representantes dos estamentos de técnicos-adestradores e de xuíces-árbitros pertencerán a unha circunscrición única, correspondente á totalidade do territorio galego.

Os representantes dos estamentos de clubs deportivos e deportistas distribuiranse, para cada elección a membros da Asamblea Xeral, entre as circunscricións provinciais constituídas polos distintos clubs galegos.

A distribución provincial efectuarase automaticamente tomando como base as proporcionalidades existentes, entre o total autonómico de electores e elixibles e o correspondente a cada provincia.

Se un membro electo da Asamblea perdera a condición pola que foi elixido, causará baixa automaticamente naquela, procedendo a súa substitución da forma que marque o correspondente Regulamento Electoral.

Os membros da Asamblea Xeral cesarán polas seguintes causas:

- a) Defunción
- b) Disolución do Clube ou entidade á que representen
- c) Expiración do prazo do mandato para o que foron elixidos
- d) Renuncia ou dimisión
- e) Por sanción disciplinaria imposta en forma regulamentaria que implique o cesamento no cargo que exerce.
- f) Incapacidade ou inhabilitación absoluta ou especial declarada en sentenza xudicial firme.

Ás sesións da Asemblea poderá asistir, con voz pero sen voto, o Presidente saínte do último mandato.

Artigo 15. A Asamblea Xeral da FGT. Funcións.

Correspondelle á Asamblea Xeral, en reunión plenaria:

- a) Aprobación do presuposto anual e a súa liquidación.
- b) Aprobación do calendario deportivo.
- c) Aprobación e modificación dos estatutos da FGT
- d) Elección do Presidente da FGT, así coma o seu cesamento a través da correspondente moción de censura.
- e) Control e aprobación, se é o caso, da xestión económica e deportiva da FGT.
- f) Aprobación se é o caso, por maioría de dous tercios dos asistentes, do alleamento e gravame dos bens inmobles da FGT, cando o importe da operación sexa inferior ó 25 por cento do seu orzamento.
- g) Establecemento, modificación e regulación das cuotas de afiliación e demais cargas de carácter económico que se poidan establecer sobre os integrantes da FGT.
- h) Disolución da FGT.
- i) Concesión de honores e distincións, á proposta da Xunta Directiva e segundo o que regulamentariamente se estableza.
- j) Cantas outras resulten da lei ou destes estatutos.

Artigo 16. Réxime de funcionamento da Asemblea Xeral da FGT.

A Asemblea Xeral reunirse necesariamente unha vez ó ano para os fins da súa competencia. Esta Asemblea terá carácter de ordinaria e será o Presidente quen a convoque.

En todo caso a Asemblea Xeral reunirse de forma obrigatoria durante o último trimestre do seu exercicio económico, onde aprobará o presuposto correspondente o seguinte exercicio.

Tamén se poderá reuni-la Asemblea Xeral, con carácter extraordinario, e así mesmo convocada polo Presidente, nos seguintes casos:

- a) a iniciativa do propio Presidente.
- b) a iniciativa dun número de membros da propia Asemblea non inferior ó 25%.

No caso b) precedente, o Presidente deberá convoca-la Asemblea dentro dun prazo máximo de dez días naturais desde a recepción da petición que os membros da Asemblea lle deberán dirixir, de forma fidedigna e mediante escrito no que conste inequívocamente a adhesión á petición do número de membros requirido. Desde a convocatoria ata a data da celebración da Asemblea non poderán transcorrer máis de vinte días.

O réxime das reunións da Asemblea Xeral, tanto ordinarias como extraordinarias, axustarase ó disposto nos parágrafos seguintes, que tamén serán de aplicación, no que proceda, á Asemblea Xeral que para a elección do Presidente da FGT e membros da Comisión Delegada está previsto no Capítulo II do presente Título.

A convocatoria da Asemblea Xeral, con detalle de lugar e hora da súa celebración, en primeira e segunda convocatoria, e a orde do día, notificarse por correo ou fax ós componentes daquela, debendo mediar un prazo mínimo de 48 horas entre o envío desta documentación e a celebración da Asemblea, e expoñerese no taboleiro de anuncios da FGT e nos locais das delegacións provinciais se os houbese con 10 días de antelación.

Actuará como Presidente da Asemblea Xeral, con voz e voto, quen o sexa da FGT e como Secretario, só con voz, o que o sexa da propia Federación.

A Asemblea Xeral entenderase constituída en primeira convocatoria cando concorran a metade máis un dos seus compoñentes e, en segunda, calquera que sexa o número de asistentes; entre a primeira e segunda convocatoria deberá mediar un prazo non inferior a

media hora. Alcanzado o quorum suficiente en calquera das dúas convocatorias, o Presidente declara constituida a Asemblea e manifestará cal sexa o número de asistentes. Os membros da Asemblea que se incorporen á mesma con posterioridade ó devandito momento só poderán votar se aínda non fosen chamados a deposita-lo voto, e neste caso a súa asistencia terase en conta para efectos de quorum nas votacións.

O Presidente dirixirá a Asemblea e os debates, concederá a palabra a quen lla solicite e poderá retirala cando concorran circunstancias que o xustifiquen.

Co fin de garanti-lo cumprimento efectivo das funcións encomendadas ás federacións deportivas galegas, o órgano competente da Administración deportiva de Galicia convocará Asemblea Xeral ou á Comisión Delegada, para o debate e resolución, se procede, de asuntos ou cuestións determinadas, cando aquelas non fosen convocadas por quen ten a obriga estatutaria ou legal de facelo no tempo regulamentario.

O desenvolvemento das reunións da Asemblea Xeral axustarase á orde do día previamente establecida e comunicada. Calquera membro da Asemblea poderá toma-la palabra, que se deberá utilizar ordenadamente e por tempos prudenciais en función das circunstancias da reunión.

Cada membro da Asemblea terá un voto, que será igual, libre, secreto e directo para todos. A Presidencia arbitrará sistemas de votación que respeten estes principios. Os compoñentes da Asemblea serán chamados de xeito persoal a deposita-lo seu voto, incluso os ausentes. Non obstante, cando ninguén se opuxese a este sistema, poderanse aprobar acordos por aclamación, co asentimento unánime dos presentes.

As cuestións sobre as que verse o voto presentaranse de forma clara e concreta pola Presidencia ou por calquera membro da Asemblea en forma de moción, debéndose votar conxunta e alternativamente as que foron opostas.

Non se poderán presentar mocións nin efectuar votacións sobre asuntos que non fosen previamente incluídos na orde do día. Se neste figurase o apartado de "Rogos e Preguntas" ou outro similar, deixarase constancia en acta, simplemente, das manifestacións que se poidan producir sobre temas presentados neste capítulo.

Os acordos adoptaranse por maioría simple de votos entre os asistentes á reunión, a non ser que nestes estatutos se especifiquen maiorías cualificadas para asuntos concretos.

Non se admitirá o voto por correo. Só se admitirá a delegación de voto ós clubs deportivos que sexan membros da Asemblea, poderá exercelo quen sexa o seu Presidente ou a persoa, non membro da Asemblea, en quen o club delegue, conforme ós seus propios estatutos, con carácter expreso e escrito para cada reunión. Ninguén poderá ostentar máis dunha delegación de voto das que se veñen de expresar.

Os acordos da Asemblea Xeral poderán versar sobre calquera materia da súa competencia e serán inmediatamente executivos, coidando da súa posta en práctica o Presidente e a Xunta Directiva, sen prexuízo dos recursos que correspondan ante a xurisdicción competente.

Non se poderán adoptar acordos contrarios ós presentes estatutos sen a súa previa modificación, a cal se deberá efectuar, en todo caso, conforme ó procedemento especial previsto no Título IX.

Artigo 17. A Comisión Delegada da Asemblea Xeral. Composición.

No seo da Asemblea Xeral poderá constituirse unha Comisión Delegada.

A Comisión Delegada será elixida por e entre os membros da Asemblea Xeral na primeira reunión posterior a súa constitución, mediante o sufraxio entre os membros desta, e o seu mandato coincidirá co da Asemblea Xeral.

O Presidente da FGT exercerá de Presidente da Comisión Delegada, e estará composta por un máximo de 9 membros, que serán elixidos por e de entre os da Asemblea Xeral, na primeira reunión que esta celebre ó iniciar o seu mandato e segundo o seguinte detalle:

- 5 correspondentes ós clubs deportivos, elixida esta representación por e entre os mesmos clubs, sen que os correspondentes a unha mesma provincia poidan ter máis de dous representantes. A representación do club na Comisión Delegada estará exercida necesariamente polo seu presidente, quen só poderá delegar, expresamente e por escrito para cada reunión, nun mesmo membro.
- 4 correspondentes ó resto dos estamentos, distribuído na seguinte forma: 2 membros representantes de deportistas, 1 membro representante dos técnicos-adestradores e 1 membro representante dos xuíces-árbitros. Todos eles elixidos por e de entre os dos seus respectivos estamentos na Asemblea Xeral. Os así elixidos manterán os seus cargos na Comisión Delegada en tanto sigan sendo membros da Asemblea Xeral dentro do período do seu mandato. Non poderán delega-la súa representación.

A representación máxima por provincia será de 3 membros, excluídos os estamentos de técnicos e árbitros.

No caso de que, unha vez elixida a Comisión Delegada, se produzan baixas ou vacantes entre os seus membros, estas substituiranse anualmente, por elección entre os grupos correspondentes.

As causas de cesamento dos membros da Comisión Delegada, rexeranse polo disposto no artigo 14 deste Estatuto.

Artigo 18. A Comisión Delegada da Asemblea Xeral Funcións.

Corresponden á Comisión Delegada da Asemblea Xeral, as seguintes funcións:

- a) Elaboración dun informe previo á aprobación dos orzamentos.
- b) A modificación do calendario deportivo.
- c) A modificación dos orzamentos e dos regulamentos.
- d) seguimento da xestión deportiva e económica da FGT.

As modificacións non poderán exceder dos límites e criterios que a propia Asemblea Xeral estableza.

A proposta sobre os temas que se van tratar na Comisión corresponde exclusivamente ó Presidente ou ós dous tercios dos membros da Comisión Delegada.

Artigo 19. Réxime de funcionamento da Comisión Delegada da Asemblea Xeral.

A Comisión Delegada reunirse, como mínimo, tres veces o ano, a convocatoria do Presidente.

Tamén se poderá reuni-la Comisión Delegada, con carácter extraordinario, e así mesmo convocada polo Presidente, nos seguintes casos:

- a) iniciativa do Presidente.
- b) iniciativa dun número de membros da propia Comisión Delegada non inferior a 6.

No caso b) precedente, o Presidente deberá convoca-la Comisión Delegada dentro dun prazo máximo de dez días desde a recepción da petición que os membros da Comisión deberán dirixirlle, en forma fidedigna e mediante escrito no que conste inequívocamente a adhesión á petición do número de membros requirido.

A convocatoria da reunión da Comisión Delegada, con detalle de lugar e hora da súa celebración, en primeira e segunda convocatoria, e a orde do día, serán notificados por correo ou fax ós compoñentes daquela, debendo mediar un prazo mínimo de sete días e máximo de quince entre o envío desta documentación e a celebración da reunión.

Actuará como Presidente da Comisión Delegada, con voz e voto, quen o sexa da FGT e como Secretario, só con voz, o que o sexa da propia Federación.

A Comisión Delegada entenderase constituída en primeira convocatoria cando concorran polo menos a metade máis un dos seus compoñentes e en segunda, cando concorran calquera que sexa o seu número; entre a primeira e segunda convocatoria deberá mediar un prazo non inferior a media hora.

Poderán asistir tamén ás reunións da comisión delegada os asesores que, oportunamente estime o Presidente e farano con voz pero sen voto. Polo demais, será de aplicación analóxica e supletoria o establecido no precedente artigo 16 en materia de réxime de reunións e toma de acordos da Asemblea Xeral.

O mando da Comisión Delegada coincidirá co da Asemblea Xeral.

Artigo 20. O Presidente da FGT. Réxime e función.

O Presidente da FGT é o órgano executivo desta, ostenta a súa representación legal, convoca e preside os órganos de goberno e representación e executa os seus acordos.

O Presidente da FGT serao tamén da Asemblea Xeral e da Comisión Delegada, con voto de calidade no caso de empate na adopción de acordos da Asemblea Xeral Plenaria e da Comisión Delegada.

O Presidente da FGT desempeñará o seu cargo coa máxima dedicación posible.

Para poder ser candidato a Presidente o membro da Xunta Directiva da FGT terá que reunilas seguintes condicións:

- a) Te-la condición de cidadán de Galicia, segundo o disposto no Estatuto da Autonomía.
- b) Ser maior de idade.
- c) Estar en pleno uso dos dereitos civís.
- d) Non ter incorrido en ningunha sanción deportiva que o inhabilite.

Artigo 21. Elección do presidente da FGT.

O Presidente da FGT elixirase cada catro anos, coincidindo cos anos de Xogos Olímpicos de Inverno, mediante sufraxio libre, directo, igual e secreto, polos membros da Asemblea Xeral, que se debe elixir previamente para o mesmo período, sin que teña que ser membro de ésta.

Os candidatos deberán ser presentados, como mínimo polo dez por cento dos membros da Asemblea, e a súa elección producirase por un sistema de dobre volta, no caso de que nunha

primeira volta ningún candidato acade a maioría absoluta dos votos emitidos. Polo demais será de aplicación o disposto nos presentes estatutos en materia electoral.

O presidente da Federación Galega de tenis poderá como máximo ser reelegido nunha ocasión, cumprindo polo tanto como máximo dúas lexislaturas.

Artigo 22. Cesamento do presidente da FGT. Moción de censura.

O Presidente da FGT cesará no seu cargo, antes de expira-lo período do seu mandato, por calquera das causas seguintes:

- a) Falecemento ou incapacidade física permanente que impida o desenvolvemento das súas funcións.
- b) Demisión
- c) Causas legais ou estatutarias de incapacidade, sobrevidas con posterioridade ó seu nomeamento.
- d) Aprobación dunha moción de censura, que deberá ser constructiva, debendo presentar os que a propoñen un candidato, e que de aprobarse quedará elixido polos mecanismos regulares, debéndose tratar nunha Asemblea Xeral Extraordinaria, a convocatoria da cal deberase solicitar, en todo caso e como mínimo, por un tercio dos compoñentes da Asemblea. Para que prospere, será preciso que voten ó seu favor os dous tercios dos asistentes á Asemblea Xeral Extraordinaria, que deberán representar, como mínimo, a metade máis un da totalidade dos seus compoñentes. Se a moción de censura é rexeitada, ningún dos seus propoñentes poderá intentar outra contra o mesmo Presidente ata pasados seis meses da votación daquela. A sesión da Asemblea Xeral Extraordinaria na que se debata a moción de censura será presidida polo membro asistente de maior idade, podendo asistir e intervir na Asemblea, en todo caso, o Presidente sometido á moción de censura. Se esta é aprobada, o Presidente da F.G.T. cesará inmediatamente do seu cargo.

No caso de demisión, o Presidente continuará transitoriamente en funcións e convocará una Asemblea Xeral Extraordinaria, que se celebrará no prazo máximo de dous meses a partir da presentación da demisión, na que se elixirá o seu sucesor.

Nos demais casos, as funcións do Presidente serán asumidas, colexiadamente, pola Xunta Directiva que constituirá un órgano denominado Comisión Xestora, con igualdade de voto entre os seus membros, e que será por quen fose ata ese momento Vicepresidente daquela, e, no seu defecto, por quen elixan os seus compoñentes. A Comisión Xestora convocará una Asemblea Xeral Extraordinaria para a elección do novo Presidente, no prazo máximo de dous meses contados desde que se producise a vacante.

En todos estes supostos, ó tempo de convocarse á Asemblea Xeral Extraordinaria electiva, reunirse a Xunta Electoral en funcións para actuar no proceso electoral, o cal se desenvolverá de conformidade cos artigos correspondentes ó Capítulo II do presente Título.

O Presidente que resulte elixido en substitución do que houbera cesado por calquera das causas previstas neste artigo completará o mandato só polo tempo que restase de cumprir a este último.

Artigo 23.A Xunta Directiva.

A Xunta Directiva da FGT é o seu órgano colexiado, e estará composta por un mínimo de 5 membros e un máximo de 15, e todos eles serán nomeados e revocados libremente polo Presidente da Federación, que a presidirá.

Os membros da Xunta Directiva que non o sexa da Asemblea Xeral terán acceso ás

sesión desta con dereito a voz, pero sen voto.

A Xunta Directiva contará cun Vicepresidente Primeiro, que substituirá ó Presidente en caso de ausencia. A súa designación e revocación corresponde tamén, libremente, ó Presidente da FGT quen poderá designar, así mesmo dentro da Xunta Directiva, cantos outros Vicepresidentes teña por conveniente, coa orde que estableza, os cales substituirán, pola súa orde, ó Vicepresidente Primeiro nos casos de ausencia ou incapacidade deste.

O Presidente poderá atribuí-las funcións e responsabilidades concretas a todos ou parte dos membros da Xunta Directiva, dentro das funcións propias desta. Neste sentido, poderá designar a un membro da Xunta Directiva, como vicepresidente Económico ou Tesoureiro da FGT coas facultades que concretamente lle asigne e en todo caso as de exercer, por delegación do Presidente, a autoridade máxima en materia de control e supervisión económica da Federación, así mesmo nomeará un Delegado Provincial nas provincias que non sexan sede da F.G.T.

O sistema de convocatorias, reunións, debates e adopción de acordos no seo da Xunta Directiva fixarase libremente polo Presidente.

Exercerá de Secretario da Xunta Directiva, á elección do Presidente, quen o sexa da propia FGT ou un membro daquela.

Tódolos cargos son honoríficos e, en caso extraordinario, cando se estableza una compensación económica xustificada a favor dalgún dos membros da Xunta Directiva terá que ser expresamente acordada por maioría absoluta da Asemblea Xeral e constar de maneira diferenciada no orzamento. En ningún caso a compensación económica poderá ser satisfeita con cargo ás subvencións públicas que reciba a Federación.

Artigo 24. Os comités.

A Xunta Directiva da FGT poderá acorda-la constitución de cantos Comités sexan necesarios.

As súas competencias e réxime de funcionamento serán os que se establezan por vía regulamentaria ou no acordo da súa creación, debidamente refrendado pola Comisión Delegada da Asemblea.

Os Presidentes e demais membros dos Comités serán designados polo Presidente da FGT agás os Presidentes dos Comités de modalidades deportivas, cando estes existisen, que serán elixidos polo colectivo interesado na forma que regulamentariamente se estableza.

En todo caso, existirá no seo da FGT un Comité Técnico de xuíces-árbitros, do que o Presidente e demais membros serán tamén designados polo Presidente da FGT, sendo as súas funcións:

- a) Establece-los niveis de formación arbitral.
- b) Clasificar tecnicamente, en función dos criterios prefixados pola Asemblea Xeral ós xuíces-árbitros, proponendo á Xunta Directiva a adscrición ás categorías correspondentes. Estas clasificacións comunicaranse á Asemblea Xeral.
- c) Propoñe-los candidatos a xuíces-árbitros nacionais e internacionais.
- d) Propoñerlle á Xunta Directiva as normas administrativas reguladoras da arbitrase, para a súa posterior aprobación pola Asemblea Xeral.
- e) Designar ós colexiados nas competicións oficiais de ámbito galego.
- f) Colaborar cos órganos competentes da Federación, na formación de xuíces e árbitros.

Artigo 25. O Secretario/a.

En consonancia co Artigo 59 da Lei 3/2012 do Deporte de Galicia, para o desempeño das funcións administrativas na FGT haberá un secretario ou secretaria, que será designado e separado polo presidente ou presidenta.

O Secretario ou Secretaria, que poderá ser membro da Xunta Directiva, exercerá as funcións de fedatario e asesor, e máis especificamente:

- a) Levantar actas das reunións dos órganos de goberno e representación nos casos legal e estatutariamente previstos, con indicación dos asistentes, temas tratados, o resultado das votacións e, se é o caso, os votos particulares contrarios ó acordo adoptado. Os votos contrarios ó acordo adoptado, ou as abstencións motivadas eximirán das responsabilidades que se puidesen derivar, se é o caso, dos acordos dos órganos colexiados unha vez aprobadas, asinalas co visto e praxe do Presidente.
- b) Custodia-las actas das reunións dos órganos de goberno e representación e dos arquivos da Federación.
- c) Expedi-las certificacións oportunas dos actos dos órganos de goberno e representación da FGT.
- d) Remitir á Administración deportiva de Galicia as actas das reunións da Asemblea Xeral e da Comisión Delegada no prazo de quince días a contar desde a data da súa celebración, así como as certificacións e acordos que procedan.
- e) Levar o control e fiscalización da xestión económico-administrativa e presupuestaria, así como o da contabilidade e tesourería, no caso de non existir a figura do tesoureiro.
- f) Cantas funcións lle encomenden os regulamentos da Federación ou lle sexan delegadas polo Presidente.

Artigo 26. O tesoureiro.

O Tesoureiro da Federación é o seu órgano de administración.

Exercerá como funcións propias:

- a) Leva-la contabilidade da Federación.
- b) Exerce-la inspección económica de tódolos órganos da Federación.
- c) Elaborar e presentar informes á comisión Delegada do estado contable da Federación.
- d) Calquera outra función que lle encomenden os estatutos e regulamentos da Federación

No caso de que non exista Tesoureiro na Federación, o seu Presidente será o responsable do desempeño destas funcións, podendo delegalas na persoa que considere oportuno.

TÍTULO IV.- RÉXIME ECONÓMICO.

Artigo 27. Orzamento.

A Asamblea Xeral da FGT aprobará durante o último trimestre do seu exercicio económico, o orzamento correspondente o seguinte exercicio. Dito orzamento debe ser equilibrado e non deficitario e enténdese condicionado, no que as subvencións públicas se refire, as condicións de aprobación dos orzamentos de Galicia. O citado orzamento será remitido á Administración deportiva no prazo dun mes dende a súa aprobación.

A FGT non poderá aprobar orzamentos deficitarios sen a autorización expresa da Administración deportiva autonómica.

Tampouco poderá repartir beneficios entre os membros da FGT

Artigo 28. Xestión económica.

A Federación Galega ten o seu propio réxime de administración e xestión de orzamento e patrimonio, e somete a súa contabilidade e estado económico ou financeiro ás prescricións legais, sendo de aplicación, en todo caso, as seguintes regras:

- a) Pode promover e organizar actividades e competicións deportivas dirixidas ó público, debendo aplica-los beneficios económicos, se os houber, ó desenvolvemento do seu obxecto social.
- b) Pode gravar e aliena-los seus bens mobles ou inmobles, tomar diñeiro a préstamos e emitir títulos representativos da débeda ou de parte alícuota patrimonial, sempre que os ditos negocios xurídicos non comprometan de modo irreversible o patrimonio da entidade ou do seu obxecto social. No caso de venta ou gravamen dos bens inmobles cuxa titularidad corresponda a FGT e que fosen financiados en todo ou en parte con fondos públicos, será necesaria a autorización da Administración autonómica.
- c) Pode exercer, complementariamente, actividades de carácter industrial, comercial, profesional ou de servizos e destina-los seus bens e recursos ós mesmos obxectivos deportivos, pero en ningún caso poderán repartir beneficios entre os seus membros.
- d) Non poderá comprometer gastos de carácter plurianual, no seu período de mandato, ou cando superen o período de mandato do Presidente sen autorización previa da Administración deportiva de Galicia. Será preceptiva tamén esta autorización previa cando a natureza do gasto, ou a porcentaxe deste en relación co seu presuposto, vulnere os criterios que se determinen regulamentariamente.
- e) Correspondelle ó Presidente da FGT a sinatura, no nome desta, de todo tipo de contratos, convenios e documentos de contido económico e en especial, a apertura de contas bancarias e a formalización de operacións de préstamos, crédito ou hipoteca, dentro dos límites anteriormente sinalados.
- f) Para a disposición de todo tipo de contas e imposicións bancarias, á vista, de aforro, de crédito ou a prazo, así como para establecer e retirar depósitos en efectivo ou valores, emisión de cheques, libramento e aceptación de letras de cambio e/ou obrigas de pagamento, abondará coa sinatura do Presidente mancomunada coa do Tesoureiro, se é o caso.

Artigo 29. Memoria económica.

A FGT elaborará unha memoria na que se incluírá a liquidación do orzamento que analizará fidedignamente a actividade económica da Federación, a súa adecuada actuación orzamentaria, o cumprimento dos obxectivos e os proxectos que se van desenvolver, e informar separadamente como mínimo sobre os seguintes aspectos:

- 1.- Diferenciación dos ingresos e contribucións segundo:

- a) Subvencións públicas
- b) Subvencións, donativos ou contribucións privadas.
- c) Vendas de activos
- d) Ingresos procedentes de competicións organizadas.
- e) Ingresos para servicios prestados pola Federación, permisos, licencias, e outros.
- f) Ingresos financeiros.

2.- Tamén constará o destino da totalidade dos recursos, distinguindo como mínimo os grupos de custo ou investimentos seguintes:

- a) Administración da Federación.
- b) Dirección e servicios da directiva, incluíndo viaxes.
- c) Competicións
- d) Axudas a clubs e outras entidades
- e) Axudas para actos deportivos
- f) Construcións e outros inmovilizados
- g) Formación de deportistas e técnicos
- h) Deportes de elite e profesional
- i) Árbitros
- j) Órganos xurisdiccionais

3.- O importe das obrigas de pagamento que é preciso satisfacer noutros exercicios que non estean previstos no balance e o importe das garantías e os avais comprometidos.

4.- A liquidación do presuposto, que explique as variacións na relación co presuposto aprobado na asemblea anterior.

Artigo 30. Control contable.

A FGT debe someter anualmente a súa contabilidade e mailo seu estado económico a una auditoría ou verificación contable, nos casos en que así o dispoña a Administración autonómica.

Artigo 31. Publicidade.

As contas anuais e os orzamentos teñen que estar no domicilio social da FGT e Delegacións cunha antelación mínima de 15 días á celebración da Asemblea, a disposición das persoas ou entidades con dereito a voto, as cales poderán pedir copia que se lles entregará antes da celebración da Asemblea.

Artigo 32. Ingresos da FGT.

Constitúen os ingresos da FGT os seguintes:

- a) As subvencións que poida recibir do Estado, Xunta de Galicia, Real Federación Española de Tenis, deputacións, concellos ou calquera outra entidade pública ou privada.
- b) Os ingresos obtidos por afiliacións, licencias, servicios e outros ingresos que se establezcan, tras a aprobación previa dos órganos correspondentes.
- c) A participación que se poida fixar nos ingresos de toda orde que teñan as asociacións, agrupacións, clubs e resto de entidades, tras a aprobación previa da Asemblea Xeral.
- d) O importe das sancións e das multas que se produzan a consecuencia das competicións que a Federación organice, e con ocasión do exercicio da potestade disciplinaria.
- e) O beneficio que se obteña por calquera concepto e se produza en actos, e competicións que se organicen.
- f) Os donativos, subvencións e outros ingresos que se deriven do exercicio da actividade propia da FGT.

g) Os préstamos ou créditos que lle sexan concedidos.

h) Os procedentes de calquera actividade legal que a título lucrativo ou por explotación ou arrendamento dos seus bens se produzan a favor da FGT. Estas actividades poderán ser desenvoltas por sociedades mercantís participativas pola FGT.

i) Calquera outro recurso que poida adquirir por calquera medio válido en dereito.

No caso de disolución da FGT, o seu patrimonio neto, se o houber, aplicarase a realización de actividades semellantes, e a Administración deportiva de Galicia determinará o seu destino concreto.

TÍTULO V.- RÉXIME DOCUMENTAL.

Artigo 33. Disposición única

A FGT levará como mínimo os seguintes libros debidamente dilixenciados polo Rexistro de Entidades Deportivas de Galicia:

- a) Libro de rexistro de membros afiliados a FGT, sendo estes deportistas, clubs e sección deportivas. No rexistro de clubs e sección deportivas constará a súa denominación, o seu domicilio social, e o seu número de inscrición no Rexistro de Clubs, Federacións e Entidades deportivas da Xunta de Galicia.
- b) Libro de Actas, un ou varios, nos que se reflectirán as reunións e acordos tomados pola Asemblea Xeral, a Comisión Delegada da Asemblea e a Xunta Directiva. Poderanse incluír tamén, se así se considera oportuno, as deliberacións e acordos dos diversos Comités.

Nas actas estarán especificados o nome das persoas intervincentes e demais circunstancias que se consideren oportunas: contido dos acordos adoptados, resultados das votacións e, de ser o caso, os votos particulares contrarios ao acordado adoptado.

As actas serán remitidas a todos os membros do correspondente órgano colexiado nun prazo de trinta días, a partir dos cales comezará a contar o prazo de impugnación. Se transcorridos trinta días dende a súa remisión non foron impugnadas, consideraranse aprobadas.

As actas poderán ser aprobadas ó finalizar as sesións dos Órganos Colexiados da FGT, sen perxuízo da remisión posterior os membros da mesma.

A impugnación das Actas non suspenderá a eficacia dos acordos adoptados. Os votos contrarios ao acordado adoptado ou as abstencións motivadas eximitán a quen os emita de calquera responsabilidade derivada de tales acordos.

Os acordos dos Órganos Colexiados da FGT poderán ser impugnados polos interesados ante os organismos competentes, segundo o disposto neste Estatuto.

- c) Os libros de contabilidade.
- d) Libro Inventario dos bens mobles e inmobles.
- e) Aqueles libros oficiais que por imperativo legal, de índole laboral, administrativo ou de calquera outra orde sexan obrigatorios para a Federación.

En consonancia co previsto no artigo 25 o réxime documental da FGT estará a cargo do secretario, a quen lle corresponde a custodia dos libros da Federación; redactar as actas das reunións dos órganos colexiados e, unha vez aprobadas, asinalas co visto e praxe do Presidente; expedir certificacións; remitir as certificacións e acordos que procedan ao Organismo da Xunta con competencias no ámbito deportivo e, en xeral, preparar a resolución e despacho de todos os asuntos.

No caso de ausencia ou imposibilidade física do propio secretario, as súas funcións serán desempeñadas polo propio Presidente da FGT, ou pola persoa en quen este delegue.

A FGT someterá o seu réxime documental ás auditorías que foran establecidas por aplicación das disposicións legais.

Calquera assembleista poderá recabar información e examinar os libros federativos, agás os que conteñan datos relativos á intimidade das persoas. Neste caso elevará escrito ó Presidente da FGT especificando claramente que libro ou libros desexa examinar e o motivo da súa solicitude. O Presidente contestará ó interesado no prazo de 10 días, comunicándolle, no seu caso, o lugar, día, e hora para facer efectivo o exame do libro ou libros solicitados.

O exame dos libros producirase sempre no domicilio social da Federación, e en presenza

dun membro da Xunda Directiva ou dun empregado federativo.

Cando se trate de documentación relativa ó orden do día dunha Asamblea Xeral xa convocada, a solicitude deberase cursar antes dos dez días anteriores á súa celebración e a Federación deberá posibilitar a consulta cando menos con cinco días de antelación.

TÍTULO VI.- RÉXIME DISCIPLINARIO.

CAPITULO I. DOS PRINCIPIOS XERAIS DO RÉXIME DISCIPLINARIOS DA FGT.

Artigo 34. Normativa aplicable.

O réxime disciplinario da FGT réxese polo previsto na Lei 3/2012 do 2 de Abril, do deporte de Galicia; en cantas outras disposicións legais existan agora ou no futuro nesta materia; e polo regulado no presente Título destes estatutos.

Tamén serán de aplicación os principios xerais do dereito sancionador.

Artigo 35. Ámbito obxectivo de aplicación.

O ámbito disciplinario da FGT esténdese ás infraccións das regras do xogo do tenis e das normas xerais deportivas.

Son infraccións ás regras do xogo do tenis as acción ou omisións que, durante o curso do xogo, vulneren, impidan ou perturben o seu normal desenvolvemento.

Son infraccións ás normas xerais deportivas as demais accións ou omisións que sexan contrarias ás ditas normas.

O réxime disciplinario da FGT é independente da responsabilidade civil ou penal, así como do réxime derivado das relacións laborais, que se rexerá pola lexislación que en cada caso corresponda.

Artigo 36. Ámbito subxectivo de aplicación.

A potestade disciplinaria da FGT exercecese:

- a) Sobre as persoas que forman parte da súa estrutura orgánica, definida no art. 10, sendo a FGT o órgano competente, en única instancia federativa, para coñecer das infraccións disciplinarias de calquera tipo cometidas polas ditas persoas no exercicio das súas funcións federativas.
- b) Sobre as persoas que estean en posesión de licenza expedida e homologada pola FGT e RFET respectivamente que cometan infraccións disciplinarias ás regras do xogo con motivo de torneos ou competicións tal como se definen no art. 3º destes estatutos. Neste caso, a competencia da FGT exercerase, cando proceda en primeira e, en todo caso, en única ou última instancia federativa.
- c) Sobre os directivos e presidentes de clubs, asociacións deportivas ou seccións deportivas incardinadas na FGT, que cometeran calquera das infraccións previstas no reglamento disciplinario.
- d) A FGT será competente en segunda ou ulterior, e última, instancia federativa para coñecer das restantes infraccións non recollidas nos epígrafes precedentes, cando as normas contidas ó respecto neste Título e con aplicación, en todo caso, dos seus principios xerais.

A potestade disciplinaria atribúelle á FGT a facultade de investigar e, se é o caso, sancionar ou corrixir ás persoas ou entidades sometidas a aquela.

Os conflitos positivos ou negativos de competencia en materia disciplinaria e nos que sexa parte a FGT serán resoltos polo Comité Galego de Xustiza Deportiva.

As responsabilidades disciplinarias da FGT como tal ente, e as do seu presidente, rexeranse polo disposto nas leis e regulamentos.

Artigo 37. Ámbito territorial de aplicación.

Son sancionables, conforme a este Título as infraccións cometidas en Galicia; tamén se poderán sancionalas cometidas fora do territorio galego cando se dean algunhas das seguintes circunstancias:

- a) Que os infractores sexan persoas que estean representando oficialmente, como directivos, técnicos, xogadores, ou por calquera outro concepto, á FGT. ou a unha entidade deportiva galega.
- b) Que os infractores estean en posesión de licencia federativa por Galicia.

Artigo 38. Principio de retroactividad favorable.

As normas disciplinarias só terán efecto retroactivo cando beneficien ós responsables da comisión dunha infracción.

A retroactividade das disposicións favorables deberá ser declarada, de oficio ou a instancia de parte interesada, polo órgano que estivese coñecendo da infracción de que se trate, ou por aquel que dictase a resolución en última instancia. Os devanditos órganos serán tamén os competentes para dictar as medidas necesarias para facer efectiva a retroactividade favorable.

Contra a negativa a declarar a retroactividade ou a adoptar as correspondentes medidas, caberán os recursos establecidos neste Título.

Artigo 39. Principio de garantía procesual.

Non se poderán impoñer sancións senón en virtude do correspondente procedemento previsto na normativa disciplinaria, e seguido conforme ó que nela se dispoña.

No dito procedemento garantízase ós interesados o dereito de asistencia pola persoa que designen e a audiencia previa á resolución do expediente.

CAPÍTULO II: DOS ÓRGANOS DISCIPLINARIOS DA FGT.

Artigo 40. Órganos disciplinarios.

Os órganos disciplinarios da FGT son o Comité de Competición e o Comité de Apelación. Estes órganos gozarán de independencia respecto dos restantes órganos federativos .

Os membros de ambos órganos deberán ser preferentemente licenciados en Dereito.

O nomeamento e cese corresponderá ó Presidente da FGT debendo ser ratificados pola primeira Asamblea Xeral que se celebre posteriormente ó mesmo.

A súa actuación será independente, sendo incompatible co desenvolvemento de cargos directivos da Federación. Tampouco poderá coincidir nunha mesma persoa a condición de membro de ambos comités.

Artigo 41. Régimen disciplinario.

O réxime disciplinario da FGT regularase reglamentariamente, a través dun Código aprobado a tal efecto pola Comisión Delegada.

No caso de imposición de sancións en materia de disciplina deportiva, a adscripción a esta federación implica a aceptación e libre asunción por parte de todos os suxeitos á disciplina deportiva, asumindo que as sancións serán obxecto da debida publicidade.

Artigo 42. Comité de competición e disciplina deportiva.

No Comité de Competición da FGT estará integrado un presidente e os vocais que se consideren necesarios que serán auxiliado por un secretario pertencente á Secretaría da FGT. O Comité de Competición será o encargado de coñecer e resolver en primeira instancia:

- a) As reclamacións e incidencias que teñan lugar con motivo das competicións de carácter galego
- b) Os litixios que se susciten entre xogadores e clubs con motivo da subscripción e expedición de licenzas, que se considerará como materia disciplinaria cando se aprecie inobservancia das normas, o cal será obxecto da sanción correspondente.

Artigo 43. Comité de apelación.

O comité de Apelación da FGT estará integrado por un presidente e dous vocales.

É competencia do Comité de Apelación o coñecemento e resolución en segunda instancia dos recursos interpostos contra as resolucións dictadas polo Comité de Competición da FGT.

As resolucións dictadas polo Comité de Apelación da FGT poderán ser recurridas ante o Comité Galego de Xustiza Deportiva da Xunta de Galicia, no prazo de 15 días a partir da súa notificación.

TÍTULO VII - PROCEDIMENTOS DE ELECCIÓN DA ASEMBLEA XERAL, DO PRESIDENTE E DA COMISIÓN DELEGADA.

Artigo 44. Regulamento electoral.

Os procesos electorais para a designación dos membros da Asemblea Xeral da FGT así como do seu Presidente e dos membros da Comisión Delegada rexiranse polo correspondente regulamento electoral aprobado pola Asemblea Xeral.

Artigo 45. Causas de extinción e disolución. Disposición única.

A FGT disolverase por decisión da Asemblea Xeral, adoptada polas tres cuartas partes dos asistentes, que deberán representar, como mínimo, os dous tercios dos seus totais compoñentes, e requirirá a súa ratificación pola Administración deportiva de Galicia.

Tamén procederá a extinción da Federación nos demais casos previstos polas Leis. En caso de disolución da FGT, o seu patrimonio neto, se o houberse, aplicarase á realización de actividades análogas, determinándose pola Administración deportiva de Galicia.

TÍTULO VIII.- PROCEDEMENTO PARA A APROBACIÓN E REFORMA DE ESTATUTOS E REGULAMENTOS.

Artigo 46. Disposición única.

A reforma dos Estatutos da FGT é competencia da Asemblea Xeral. Poderán proponden ó Presidente da Asemblea que representen polo menos a terceira parte dos seus totais compoñentes. En calquera caso, a proposta deberá ir acompañada do novo texto que se pretenda, que se engadirá á orde do día e será notificado ós membros da Asemblea na mesma forma que este.

A reforma dos estatutos deberá ser aprobada polas dúas terceiras partes dos asistentes á Asemblea Xeral de que se trate, que representen polo menos a maioría dos seus totais compoñentes.

A aprobación e modificación dos regulamentos da FGT é competencia da Comisión Delegada da Asemblea e, para prosperar, necesitará o voto favorable, en calquera caso, dos dous tercios dos seus compoñentes.

Os Estatutos da FGT e as súas modificacións serán publicados no Diario Oficial de Galicia, previa aprobación de éstos pola Administración autonómica no prazo máximo de tres meses dende a súa presentación no rexistro.

TÍTULO IX.- FÓRMULAS DE CONCILIACIÓN EXTRAJUDICIAL.

Artigo 47. Disposición única.

As fórmulas de conciliación extraxudicial para resolver as cuestións que se presenten no seo da FGT axustaranse ó previsto na Lei 3/2012 do 2 de Abril, do deporte de Galicia, e demais disposicións legais que resulten aplicables, sen prexuízo de que a FGT, por vía regulamentaria, poida establecer normas específicas, supletorias, ou complementarias, das contidas nas ditas disposicións.

DISPOSICIÓN ADICIONAL.

A responsabilidade disciplinaria na que poida incorre-la propia FGT. rexerase polo disposto na Lei 3/2012 do 2 de Abril, do deporte de Galicia.

DISPOSICIÓN TRANSITORIAS.

1. O mandato do actual Presidente, Asemblea Xeral e Comisión Delegada da Asemblea durará ata que se celebren novas eleccións no Ano Olímpico de 2014, conforme ós prazos previstos nestes estatutos.
2. A Xunta Electoral que estea actualmente designada continuará en funcións ata que sexa substituída pola que debe ser designada para as eleccións a celebrar no Ano Olímpico de 2014.
3. Seguirán en vigor os convenios actualmente existentes entre a FGT e a RFET en materia de licencias.
4. Os Clubes actualmente integrados na FGT seguiranno estando, nos termos previstos no artigo 7/2 dos presentes Estatutos.

DISPOSICIÓN FINAIS.

1. Estes Estatutos entrarán en vigor o día seguinte a aquel da notificación da súa aprobación pola Comisión Galega Deportiva da Xunta sen prexuízo da súa publicación no DOG.
2. Os presentes Estatutos serán sometidos previamente á Asemblea Xeral da FGT, da que a actual Xunta Directiva queda facultada, en virtude desta disposición, para establecer nos mesmos as modificacións e concordancias que indique a Administración deportiva de Galicia e quen sexan necesarias para a súa aprobación pola devandita administración.